

四庫全書

子部

欽定四庫全書

子部

世醫得效方卷十四

詳校官太醫院醫士_臣程泰

編修_臣倉聖脉覆勘

總校官降調編修_臣倉聖脉

校對官中書_臣李斯咏

謄錄監生_臣李元雋

欽定四庫全書

世醫得效方卷十四

元 危亦林 撰

產科兼婦人雜病科

濟陰論

夫濟世之道莫先於醫論醫之難濟陰猶急何則婦人
之病比之男子十倍難療或云七癥八瘕九痛十二帶
下共三十六病雖有名數莫詳證狀推原其理無非血

病多因經脉失於將理臨蓐不善調護內作七情外感六淫陰陽勞逸飲食生冷遂致榮衛不輸新陳干忤隨經致濁淋露凝滯為癥為瘕流溢穢惡痛害傷痼以致所患不一而止犯時微若秋毫感病重於山嶽是也故女子十四而天癸至天謂天真之氣降癸謂壬癸水名故云天癸而衝任脉主之衝任者血之海也月水者經絡之餘也蓋婦人以血為本心生血肝行血榮衛四體如環無端灌注百脉餘者為月候以時而行若水溢自

流不自知覺故纖痾不作而氣體充盛而有子矣其有
來多不斷或過期不來或未期而先來參差不一而病
生當其來時則一二日之前腰腹滿痛或頭疼作熱百
節攣急甚於重患過此則發為虛熱自汗加以五心內
熱遂為虛勞血少水涸燥氣乘肺則為喘嗽宿寒留滯
血與氣搏則為腹痛敗血結塊時發寒熱則為癥瘕或
風寒濕滯經血化為水流溢四肢謂之血分脾不能制
血與水并浮脹肌肉謂之虛腫或衝任氣虛內慾過度

風邪冷熱之氣入於胞門穢液與血兼下冷則多白熱則多赤冷熱不調赤白相半或為赤白帶下若衝任勞損經海動傷脾虛胃弱不能約制其血倏然暴下故謂崩中漏下所下五色各應五臟五臟俱虛五色併下以致眩暈煩悶嘔惡怔忡迷亂多忘發狂妄語小便不禁是皆血之為病也復有生於嬌貴之家愛憎在念而氣逆于中故氣有一息不行血有一息不運則胃腹脹痛眩暈嘔噦倦乏不自勝持飲食不為肌膚致成重患治

療之際調氣為上調經次之斯可為定法受孕之後切
宜避忌胎殺所遊如經云刀犯者形必傷泥犯者竅必
塞打擊者色青黯繫縛者相拘攣甚至母殞驗若返掌
斷不可忽半產一證非如正產正產如果中粟熟其殼
自開兩無所損若半產則比之採斫新栗碎其膚殼損
其皮膜然後取得其實半產正類此以其胎臟傷損胞
繫斷去而後胎墜下皆因月未滿足誤服藥餌或寒邪
熱毒所傷或舉重打傷跌撲或犯禁忌或衝任脉虛漏

下所致生死形候亦如正產察認大抵半產須加十倍調治或外證喘促痰壅恍惚昏迷不語惡露斷絕煩渴或變痙候無復生全具有惡露通昏迷乍醒不喘促猶可治也復有市井之家村落之婦恣情妄作偷生不正或多日女厭於養育往往以早藥毒之驚憂敗血不下衝心悶亂喘痰虛汗交作死者罔記聞者可不為戒治之者須以解毒行血藥亟救則十全二三矣逮夫正產有娠六七月切忌恣情交合八月亦忌飲酒呌怒洗頭

臨產必難產婦古以陣面健兒為喻可謂危矣臨產之初先脫尋常所穿衣以籠竈頭及竈口則易產不可喧閑宜謹選一熟善坐婆及得力家人扶持無使揮霍致令產婦憂恐惟當飡軟飯糜粥之類若腹中痛且令扶行或痛或止名曰弄痛不可便行試水手探聽產母坐卧切須熟忍或服催生符藥却不可曲腰眠睡如連腰引痛眼中如見火色此是兒轉蓋腎則繫於腰胞繫於腎貼於脊更盡脉轉甚弦如急珠者即其驗矣又須令

人扶策徐徐而行若行步艱難即凭物立須臾扶策再行直至腰腹相引陣痛頻作又服催生藥勉強扶行痛陣轉甚難於行立認是產時將至然後坐草切勿太早恐子在腹中難於轉側及胞漿先破子道乾澁皆至難產務要產婦惜力若心中熱悶以蜜一匙新汲水調下若熱悶未解以生雞子一箇打破吞服直待兒迫產門頭面端正然後令人抱腰其抱腰之人不得傾斜則兒順其理自然易產又有卧產者須待卧定背平著席體

不偃曲則兒不失其道必無難產之理時當盛夏宜居
深幽淨室日色遠處開啟牕戶多貯清水以防血暈血
悶血溢妄行血虛發熱之證如冬末春初天色凝寒宜
密閉產室糊塞窓隙內外生火常令暖氣如春仍下襲
衣服不可去綿方免胎寒血結母致難產矣及至產訖
先令飲童子小便一盞無使就睡且令閉目而坐頃之
方可扶置於床宜仰卧立膝勿令伸足睡熟亦宜頻喚
醒產室無俾風著其肌致生他疾况產下切未可以得

男為喜恐為紅汗之證得女為憂恐致敗血衝心之患
惟當頻啜艾醋等湯藥常啐醋煙以防紫悶逡巡進少
白粥毋令過飽其有破水之後經日而不產者又當隨
證細辨身重躬熱作寒面黑舌青及舌上冷母死子活
面赤舌青母活子死唇口俱青吐沫子母俱斃倉皇之
間救治不可不審且當預與病家言之若胎衣不下者
停待稍久非惟產母疲倦又且血流入胞中為血所脹
上衝心胸喘急疼痛必至危篤宜急斷臍帶以少物繫

墜繫墜之時尤宜用心拴繫然後截斷不爾則胞上掩
心而死須使其子血脉不潮入胞中則胞衣自當痿縮
而下縱淹延數日亦不害人予治療多見之惟欲產母
心懷安泰終自下矣未可輕信坐婆妄用手法因此而
殂正產後中風口眼喎斜角弓反張六脉緊大自汗過
多虛極生風唇青肉冷剛柔二瘕項背僵硬手足攣急
咬齒嚼舌血虛眩暈頻發悶絕氣冷口鼻黑起出血不
止虛熱變生名胃絕肺眩喉中氣急喘促不息煩渴殊

甚惡露斷絕名孤陽絕陰五七日內彊力下床或憂怒
太過一月之內或傷於房事或亂行針艾以致眼昏口
噤肌肉潤搖腰脊彊直語言不出類皆難治猶宜敬謹
外此傷寒及諸雜病與男子等當以理血藥為助臨治
之際宜以意消息而加減之

護胎

驗胎法婦人經脉不行已經三月欲驗有胎

川芎 一兩半生用不見火

右為末空心濃煎艾湯調下方寸已覺腹內微動則有胎

參蘇飲治外感風寒渾身壯熱眼暈頭旋或洗項背或當風取涼致令頭目昏痛增寒甚至心胸煩悶妊娠不可輕易投劑止宜用此以散表邪及治痰飲嘈煩忪悸嘔逆不食腹滿此藥至和而且平嘔加白朮腹脹枳實虛煩竹葉煩燥大渴麥門冬知母水停心下微吐逆茯苓

頭痛川芎腹疼加白芍藥

方見大方
科傷寒類

香蘇散治妊婦增寒壯熱頭痛身疼加川芎川白芷生薑葱白煎得微汗解

方見大方
科傷寒類

石膏湯治妊婦傷暑頭疼惡寒身熱躁悶四肢疼痛背項拘急唇口乾燥

柴胡

四兩

甘草

二兩
炙

石膏

八兩

右剉散每服三錢水一盞生姜五片煎不拘時候溫服若氣虛體冷加人參二兩

加減安胎飲凡婦人晝眠不起倦於梳飾乾惡心擇食

怕聞飯氣但喜鹹酸止經候明矣氣血弱者宜服此兼
進脾藥安胎溫養令母臟氣平和陰陽全備免有損墮
之患成者受胎母無疾耳溫胎保養之劑恐非所宜此
方兼治胎動不安腹痛漏下或胎奔上刺心短氣大效
漏胎下血不可用僭燥熱藥

條參

去蘆

嫩黃耆

去蘆

揚芍藥

大川芎

熟地黃

酒洗炒

川續斷

去蘆

側柏葉

炒

阿膠

燂炒

粉草

當歸

去尾各等分

右剉散每服四錢水一盞半生姜三片金銀器各一
半漏下不止加熟艾一握又如胎動口噤唇青下利
不入亦用熟艾一兩酒三盞煮至二盞去滓灌之即
安

桑寄生散治妊娠或因房室驚觸勞力過度傷動胞胎
或食毒物致令子宮虛滑經血淋瀝若不急治敗血湊
心子母難保日漸胎乾危亡不久

桑寄生

當歸

去蘆
酒浸

川續斷

酒浸

川芎

香附子

炒 去毛

茯苓

去木

阿膠

剉蚌粉炒 成珠子

白朮

各一兩

人參

甘草

炙各半兩

陳艾葉

一兩

青皮

去核 半兩

右判用每服四錢水一盞半生薑五片煎不以時溫

服

治漏胎下血胎上衝手足逆冷欲死

右用生艾汁二盞阿膠白蜜各二兩煎一盞半稍熱

服之無生艾濃煎熟艾一方加竹茹一大塊同煎

治胎動出血產門痛用黃連為末酒調一錢日三服
急救方治漏胎下血不止胞乾子母即死

生地黃汁一升好酒五盞煎五沸分三服或為末酒
服

黃芩湯治胎孕不安

黃芩

白朮

縮砂

當歸

各等分

右剉散每服三錢水一盞半煎溫服

小安胎飲治妊娠從高墜下或為重物所壓觸動胎氣

腹痛下血服此後覺胎動極熱胎已安矣

縮砂

不拘多少

右於熨斗內炒令熱透却去皮取仁研為末每服二錢熱酒調服不飲煎艾鹽湯或米飲不拘時候調服加減二陳湯治受胎一月或兩月嘔吐擇食緣中脫宿有痰飲經水止後氣上逆作名曰惡阻

陳皮

白茯苓

各一兩半

白朮

七錢半

粉草

三錢

右剉散每服四錢生姜三片烏梅一箇煎食前服未
効加生姜汁

小紫蘇飲

紫蘇

厚朴

白茯苓

各五錢

半夏

甘草

各三錢

右剉散每服三錢水一盞生姜五片棗二枚煎溫服
客熱煩渴口生瘡者加知母前胡胞冷下利加桂心
炒胃中虛熱大小便秘加黃芩頭疼加細辛川芎

參苓圓治妊娠飲食過度

木香

不見火

三稜

炮

人參

白茯苓

去皮

等分

右為末麴糊圓菽豆大每服三十圓熟水下不拘時

候

白朮散治妊娠氣不和飲食不美

白朮

炒

紫蘇

各一兩

白芷

微炒

人參

各三兩

訶子皮

青皮

去白

川芎

各二分

甘草

炙一分

右判散每服三錢水一盞生姜三片煎不拘時候

紅圓子治惡阻奇效每服三十圓空心薑湯服

方見大方料

保生圓治妊娠將理失宜或勞役胎動不安腰腹痛重

胞阻漏胎惡露時下或子臟挾疾久不成胎或受妊不

能固養痿燥不長過年不產日月雖滿轉動無力或致

損墮

麻仁

去殼一兩

當歸

半兩微炒

乾薑

炮

肉桂

去皮

秦椒

去目閉口者炒出汗

石斛

去根

石膏

研如粉

黃芩

糯米

知母

甘草

炙赤

大豆黃卷

各一分

右為末煉蜜圓彈子大每一圓溫酒棗湯化下空心
嚼下亦可方內用北黃芩麻仁性寒之藥人疑不服
殊不知娠中有風風中有熱風熱既靜其胎必固黃
芩能去子熱麻仁能去子風亦可服后參苓白朮散

參苓白朮散

方見大方科脾胃類

杜仲圓治姙娠二三月胎動不安或會受此苦每遇有

懷至期損墮可預服此以養胎氣不爾胎墮其危甚於
正產

杜仲

去皮剉薑
汁炒斷絲

川續斷

酒浸洗焙
各二兩

右為末棗肉煮爛杵和為圓梧子大每服七十圓空
心米飲送下日三服

掃涼節命散治妊娠恣情飲酒或食生果魚羊雞麪毒
物致令百節酸疼大小腑秘澁面赤口苦心煩腹脹

川芎

苧根

揚芍藥

麥門冬

去心

當歸

去蘆

白朮

各一兩

糯米

半合

甘草

炙半兩

右判散每服三錢水一盞煎溫服不拘時候

內補圓安胎扶虛助陰滋血

熟地黃

二兩洗酒拌炒

大當歸

一兩去尾切片微炒

右為末煉蜜圓梧子大每服三十五圓溫酒下與枳殼散兼服若單服枳殼散恐有胎寒腹痛之疾二藥皆不群隊為妙仍用平胃散蘇鹽湯調助脾進食

竹茹湯治妊娠嘔吐頭痛寒熱往來五心煩悶四肢不

和

人參

陳皮

去白

白朮

麥門冬

去心

各五錢

甘草

二錢半

厚朴

去麤皮切姜炒

茯苓

竹茹

各五錢

右剉散每服三錢水一盞半生姜三片煎不以時溫服

竹葉湯治妊娠苦煩悶者以四月受少陰君火氣以養精六月受少陰相火氣以養氣若母心驚膽寒多煩

悶名子煩

防風

去火

黃芩

各三兩

麥門冬

去心
三兩

白茯苓

四兩

右剉散每服四大錢水壹盞半竹葉十數皮煎溫服

方去黃芩加人參半兩

知母圓治產難及日月未足而痛如欲產者

知母

右為末煉蜜圓如雞頭子每服一圓溫酒嚼下日三

服

榆白皮散滑胎易產治妊娠漏胎去血及臨產驚動太
早產時未至穢露先下致使胞胎乾燥臨產艱難並宜
服之

榆白皮

葵根

瞿麥

各一兩

大麻仁

去殼

木通

半兩

川牛膝

三分去苗酒浸切焙

右剉散每服三錢水一盞半煎溫服

知母飲治妊娠心脾壅熱口乾渴苦煩悶

赤茯苓

黃芩

黃耆

各三兩

知母

麥門冬

去心

甘草

各二兩

右剉散每服三錢水一盞半桑白皮七寸煎成入竹
瀝一合服不拘時候胎臟受熱最宜服之一方去黃
耆知母加地骨皮犀角屑嫩葛各三分

保氣散安胎寬氣進食瘦胎易產設或居處失宜偶然
顛仆胎痛漏胎下血兼服芎歸湯枳殼散

大腹皮

紫蘇

枳殼

去穢

桔梗

去蘆

粉草

縮砂

香附子

各等一分

右劉散每服三錢水一盞半煎食前服

冬葵子散治姙娠小便不利身重惡寒起則眩暈及水腫

冬葵子

三錢

赤茯苓

二錢

右為末每服三錢米飲調服不拘時候利則住服如不通恐是轉胞加髮灰少許神效

大腹皮治姙娠大小便赤澁浮腫

枳殼

去穰
麩炒

大腹皮

甘草

炙

各一錢

赤茯苓

三錢

右為末每服二錢濃煎葱白湯調下不拘時候

鯉魚湯

治同上

當歸

去蘆酒浸

白芍藥

各三錢

白茯苓

四錢

白朮

五錢

右剉散每服四錢用鯉魚一尾不拘大小破洗鱗腸白水煮熟去魚每用魚汁一盞半生姜七片橘皮少許煎至一盞空心服如胎水未盡再服

八味圓治婦人病食飲如故煩熱不得卧而反倚息以胞系了戾不得溺故致此病名轉胞但利小便則愈以

此藥中有茯苓故也

方見大方
科脚氣類

赤小豆湯治妊娠手脚腫滿攣急

赤小豆

商陸乾

各等分

右判散每一兩用水一碗煎七分盞取清汁服

腎著湯治妊娠腰脚腫痛

茯苓

白朮

各四兩

乾薑

甘草

杏仁

湯洗去皮尖各三兩重

右判散每服四錢水盞半煎食前服

安胎和氣散治胎冷腹脹虛痛兩脇虛鳴臍下冷疼小便數大便滑

訶子

麤裏煨
去核

白朮

各一兩

陳皮

高良薑

炒

木香

不見火

白芍藥

陳皮

炒

甘草

炙各
半兩

右剉散每服四錢水一盞半生姜五片煎不以時溫服忌生冷

紫蘇飲子治胎氣不和懷胎近上脹滿疼痛謂之子懸又治臨產驚恐氣結連日不下

紫蘇

連莖
一兩

川當歸

三分

人參

川芎

白芍藥

陳皮

各半兩

甘草

炙
一分

大腹皮

半兩

右剉散每服三錢水一盞半姜四片葱六寸煎空心服

安榮散治小便淋瀝名曰子淋或作轉脬治不愈者

麥門冬

通草

滑石

各一錢

當歸

去蘆
酒浸

燈心

甘草

炙各
半兩

人參

細辛

洗各
一錢

右為末每服三錢煎麥門冬湯調不拘時服一方止

用檳榔赤芍藥各等分水煎空心服屢效

桑螵蛸散治妊娠小便不禁

桑螵蛸

炙 十二箇

右為末每服二錢空心食前米飲調下

二白散治妊娠遺尿不知出

白薇

白芍藥

各等分

右為末每服二錢食前酒調服

當歸芍藥湯治妊娠腹中疼痛下痢心下急滿

白芍藥

白茯苓

當歸

去蘆酒洗

澤瀉

川芎

各一兩

白朮

半

右為末每服三錢溫酒或米飲調空心食前服忌生家薑黃連圓治姙娠下痢赤白腸鳴後重穀道疼痛

乾薑

炮

黃連

去蘂

縮砂仁

炒

芎藭

阿膠

剉焙
粉炒

白朮

各一兩

乳香

另研
三錢

枳殼

去穰
面炒

半兩

右為末用鹽梅三箇取肉入少醋糊同杵勻圓如梧子大每服四十圓白痢乾薑湯下赤痢甘草湯赤白

痢乾姜甘草湯下不拘時服

雞黃散治懷身下痢赤白絞刺疼痛

雞子

一箇烏者尤妙挖頭作
窠傾出青者留黃者

黃丹

一錢入前雞子殼內打令黃勻以
厚紙裹黃泥固濟火上煨取焙乾

右為末每服二錢米飲調下一服愈者是男兩服愈
者是女奇效

生料平胃散治姙婦兩脚浮腫名曰脆脚因脾衰不能
制水血化為水所致每服三錢薑棗煎服為末蘇湯調

亦可

方見大方
科脾胃類

百合散治妊娠風壅相交咳嗽痰多心胸滿悶

百合

蒸

紫苑茸

洗

貝母

去心

白芍藥

前胡

去蘆

赤茯苓

各一兩

桔梗

去蘆
一兩

甘草

炙
半兩

右剉散每服四錢水一盞半生薑五片煎不以時溫服

羚羊角散治妊娠中風頭項強直筋脉攣急言語蹇澁痰涎不消或發搐不省人事名曰子癇宜服

羚羊角

川獨活

去蘆

酸棗仁

炒 去殼

五加皮

去木

各二錢

薏苡仁

炒

防風

去蘆

當歸

去蘆 酒浸

川芎

茯神

去木

杏仁

去皮尖 各四錢

木香

不見火

甘草

炙各二錢半

右判散每服四錢水一盞半生薑五片煎不拘時溫服

人參養胃湯治妊娠作瘧寒多不食

方見大方科傷寒陰證類未效畧加

山常

清脾湯治妊娠作瘧熱多者

青皮

厚朴

去麤皮
薑汁炒

白朮

草果仁

柴胡

去蘆

茯苓

半夏

湯洗

黃芩

甘草

人參

各等分

常山

一半

右剉散每服四錢生薑五片正地骨皮少許煎不拘

時溫服或加麥門冬去心二十粒

未效服勝金圖方
見大方科瘧瘧類

消風散治妊娠頭旋目暈視物不見腮項腫核若加涎壅危在須臾急宜服之

石膏

甘菊花

去枝梗

防風

去蘆

荊芥穗

川羌活

去蘆

羚羊角

銹

川芎

大豆黃卷

炒

當歸

去蘆酒洗

白芷

各一兩

甘草

半兩

右剉散每服四錢水一盞半入好茶半錢煎食後通

口服有一姪婦患此服之病減七八獲安分挽其眼

帶吊起人物不辨後服四物湯加荊芥防風更服天

門冬飲子但以此二藥相間服目漸稍明大忌酒麪

煎炙燒燂鷄羊鵝鴨豆腐辛辣一切毒食并房勞及

稍溫藥如不然眼不復明矣蓋此證為懷身多居火
閤衣著裯褥厚蓋伏熱在裏或服補藥因食熱物太
過致令胎熱肝臟熱極風衝入腦所致

天門冬飲子

天門冬

去心

知母

菟薊子

各一兩

防風

去蘆半兩

五味子

茯苓

川羌活

去蘆

人參

各七錢半

重

右剉散每服四錢生姜三片煎食後溫服

治傷寒熱病護胎方

乾浮萍

朴硝

另研

大黃

微炒

蛤粉

炒

藍根

各一兩

右為末水調三錢貼臍上安胎解煩極妙一法伏龍
肝末水調塗臍下乾則換或用井中泥塗心下乾即
換

罩胎散治妊娠傷寒大熱悶亂燥渴恐傷胎臟

蚌粉

半兩

嫩卷荷葉

焙乾一兩

右為末每服二錢入蜜少許新汲水調下食前服研家園生葛汁服亦安

治妊娠咳嗽方

麥門冬

去心

紫苑

去土

各一兩

桑白皮

炙

杏仁

麩炒去皮

共

甘草

炙

各一分

桔梗

泔浸一夜
畧炒三分

右剉散每服三錢水二盞竹茹一塊鷄子大煎至一盞入蜜半匙去滓頻服

又方治如前

貝母

去心剉麩炒令黃

右為末研砂糖拌和令勻圓如鷄頭大含化一圓神效

苦參圓治妊娠小便難飲食如故

當歸

去尾

貝母

炒

苦參

各三兩

滑石

半兩

右為末煉蜜圓如小豆大米飲下二十圓不拘時候

八味圓治法見前

方見大方
料脚氣類

治妊娠大便秘方

防風

二兩
炙

甘草

一兩
炙

枳殼

三兩
去
穢
炒

右為末每服一錢沸湯點食前日二三服

治妊娠洞瀉寒中方

厚朴

乾薑

右為末糊圓梧子大米飲下二十圓食前服

八正散治妊娠心氣壅胎氣八个月散墜手足浮腫急痛不安難產

瞿麥

剉

木通

剉去皮
節

滑石

大黃

剉
麝
煨

焙切

篇蓄

一名地
扁竹

車前子

山梔仁

甘草

炙各等
分

右剉散每服三錢水一盞薑香一撮同煎熟服

治妊娠失音不語方

奇病論曰人有重身九月而瘖何也岐伯對曰胞之

絡脉絕也何以言之胞絡者繫於腎少陰之脉貫腎

絡舌本不能言治之柰何曰無治也當十月復

產前軟胯方

甘草

生薑

烏梅

各等分

右剉散水三盞煎服便令膂骨軟產宮受氣痛不攻

作

木香調氣散治妊娠氣悶或為喧呼心忪悸亂睡裏多驚兩脇膨脹腹滿連臍急痛坐卧不安氣急逼迫胎驚者效

白茯苓

去皮

川芎

各一兩

麥門冬

去心一兩

黃耆

去蘆蜜炙

一兩

當歸

去蘆酒浸一兩

木香

不見火

條參

甘草

各半兩

右剉散每服肆錢水一盞半生姜五片煎溫服不拘
時候常服至分娩亦無恙安養胎氣甚佳
救生散安胎益氣易產令子緊小令母無病

人參

訶子

煨
去核

麥蘗

炒

白朮

炒

神麴

炒

橘紅

炒
各等分

右剉散每服三錢水一盞半煎空心服

枳殼散瘦胎易產抑陽降氣兼治胎中一切惡疾

枳殼

小厚突弦者麤炒去穢二兩重

粉草

一兩

右為末每服二錢沸湯調空心日三服至七月方可服忌登高廁大便秘澁加防風體弱加大當歸去尾木香各等分胎肥壅滯動止艱難臨產難生加乳香髮灰效枳殼能逐水消脹滿逆氣若臨月多服則當產之時無脹滿逆氣產道順而易生誠有補於世也又治腸中諸疾下氣寬膈加炒去毛香附子一兩為末薑湯調下冷氣攻刺脅肋疼痛葱白湯脾寒血氣

成塊作痛熱酒調大小便不通白牽牛為末加入熱湯調服

治兒在腹中哭方多年空屋下鼠穴中土一塊令產母噙之即止一方川黃連濃煎汁母呷之

治腹脹如抱一甕方

茱萸

川烏

去皮臍

秦艽

柴胡

白僵蚕

好者洗

川巴戟

生用去心

巴豆

去殼不去油

芫花

醋煮各一

兩

右為末煉蜜圓梧桐子大每服七粒蜜酒吞下惡物
即時取下愈

轉女為男法

論曰陰施陽化所以有娠過二陰所會多生女子但懷
娠三月名曰始胎血脉不流象形而變是時男女未定
故令於未滿三月間服藥方術轉令生男也其法以斧
置妊婦床下繫刃向下勿令人知恐不信者令待雞抱
卵時依此置窠下一窠盡出雄雞此雖未試亦不可不

知凡受胎二月逐物變化故古人立胎教能令生子良
善長壽忠孝仁義聰明無疾蓋須十月之內常見好境
象無近邪僻真良教也

月遊胎煞所值正月床二戶三門四竈五母身六竈七
碓八廁九門十戶十一爐十二床

日遊胎煞所值甲巳日門乙庚碓磨礮丙辛井竈丁壬
厨解戌癸米倉子丑中堂寅卯辰酉竈巳午門未申離
下戌亥房

保產

收生法凡橫逆等證則當以手法為活收生之人擇棟
老成良善臨期須心平氣和施以妙手亦宜直言叮嚀
詳盡其意乃不可用燥性之徒恣其龐愚因而傷命
如橫產謂兒先露手或臂者治法當令產母安於仰卧
收生之人徐徐先推兒下截令直上漸通手以中指摩
其肩推上而正之漸引手攀其耳令頭正候兒身正門
路順却投催生藥安詳上草自然易產若逆產謂兒先

露足者治法亦令產母仰卧分毫不得用力亦不得驚
恐收生之人徐徐推其足就一邊直上候兒自順若良
久不順又漸漸推兒頭就一邊令其順下待兒身轉順
門路正當却用催生之藥即產又如偏產謂兒頭偏柱
一傍雖逼近產門初非露正頂止露額角者治法亦令
產母仰卧收生之人輕輕推兒近上以手正其頭令兒
頭頂端正向產門又有兒頭后骨偏柱穀道者當以綿
衣炙焙令熱裹手急於穀道外傍徐徐推之漸漸近上

然後上草至如礙產謂兒頭雖正產門而不能生下者或因兒轉臍帶攀挂其肩致不能生者治法令產母仰臥收生之人輕手推兒近上徐徐通手引中指按兒兩肩理臍帶兒正即產又有坐產謂兒將欲生產母疲倦不能行立久坐椅蓐抵兒生路不能下生者治法當於高處懸弔手巾或絹帛一條令產母手攀輕輕屈足良久兒即順生更有盤腸產者臨分娩產腸先出兒即隨產俗用冷水嚙產母面其腸自收此法虛弱之人切

不可用恐驚怯成病或即脫絕舊法以草麻子四十九粒研爛塗腦頂自然收上如收上即以水洗去頂上草麻又有久而其腸為風吹乾不能收者以磨刀水少許火上溫過以潤其腸煎好磁石湯一盃令產母服其腸自收矣

補中湯養新血去瘀血補虛扶危治月未滿半產

乾薑

炮

阿膠

剉蛤粉炒

芎藭

五味子

各一

兩

白朮

黃耆

去蘆蜜水炙

當歸

去蘆酒浸

赤芍藥

各一兩半

人參

木香

不見火

杜仲

去皮剉炒

甘草

炙各半兩

右剉散每服四錢水一盞半煎通口服不拘時候

神妙佛手散治妊娠自四月至七月因而築心氣疾欲絕用此探之若不損則痛止子母俱安若胎已損即便墜

當歸

去蘆酒浸

芎藭

各一兩

右剉散每服四錢酒一盞煎令欲乾却入水一盞再

煎三二沸溫服如口噤者徐徐灌下如人行五七里再進一服不過三服便生也

神應黑散最治難產因緣自有難易其如橫逆皆因坐草太早努力過多兒轉未逮或已破水其血必乾若先露手謂之橫或先露足謂之逆養生方云倉皇之間兩命所係不可不知此藥之功也人多不服以為極賤之藥大槩產難或一日兩日未免水血先下如舟坐灘殊不知香白芷百草霜再固其血服之如魚得水決自轉

生兼治月水不調崩中等疾

香白芷

百草霜

各等分

右為末每服二錢童子小便米醋各半呷許沸湯澆入六七分點服見功甚速再服即分娩矣或用蜀葵子四十九粒白滑石末三錢順流水煎湯調空心二服如人行五里即下

龍蛻散催生秘傳

蟬退

一兩燒存性

大蛇蛻

火燒存性一條

滑石

半兩

葵子

一兩微炒

右為末每服一錢順流水微溫煖調下不可使熱湯
遇仙雄黃丹催生

雄黃

不夾
石者

朱砂

各一
錢半

草麻

十四个
去皮

大蛇蛻

一尺

右為末漿水飯和圓彈子大臨產時先用椒湯淋洗
臍下次安藥於臍內用蠟紙數重傅藥上以闊帛繫
之須臾即生急取下藥一圓可用三遍

加味芎歸湯治產五七日不下垂死者及矮小女子交
骨不開者

右用川芎當歸各一兩自死乾龜殼一个酥炙多男
女者婦人頭髮一握燒存性共為散每服三錢水一
盞半煎服屢効約人行五里生胎死胎俱下无自死
龜殼用鑽龜廢殼亦可

勝金散治難產逐敗血即自生若橫逆則轉活子死腹
中則胎軟臈寬即產祖宗秘傳千金不授用者敬之

王不留行

酸漿

死胎
倍用

芫蔚子

白蔹

去
剉

五靈脂

行血宜生用

右各等分為散每服三錢

取坤方水一盞半入白花劉寄奴子一錢同煎溫服

大效

催生方催生隨其便而用之

右用清油同蜜等分少許湯調頓服 蜀葵子炒為

末順流水溫煖調亦下死胎 好京墨新汲水濃磨

服之墨水裏兒出立效 敗筆頭二个燒以藕節研

自然汁溫酒調下效

催生湯治姙娠欲產痛陣尚踈難產經三兩日不生胎

死腹中或產母氣乏萎頓產道乾澀纔覺痛密破水后
便服

蒼朮

二兩米泔浸
洗切炒黃色

小厚枳殼

去作切
面炒

白梧梗

薄陳皮

去白

揚芍藥

川白芷

大川芎

各一兩

大當歸

去尾
一兩

交趾桂

去粗皮
不見火

半夏

湯洗

粉草

麻黃

去節

軍薑

去皮

厚朴

去粗皮
薑汁炒

南木香

不見火

杏仁

去皮尖
別研

白茯苓

各五

錢

右為末每服二錢順流水溫煖調下若覺熱悶白蜜
湯下或剉散入真米醋一合煎方內用楊芍藥肉桂
能開通子宮其餘藥味皆助氣之盛開竅自通麻黃
內通陽氣陽氣盛側血行即產矣外却寒邪去積聚
皆得其宜寒月用之甚為的當隆暑之時恐難輕服
但以五苓散用葵子燈心煎湯調下卻暑清魂滑胎
易產胞漿先破則胎乾難產用白蜜清油或以熱酒
令得所滋養胎氣既潤即分娩矣

催生丹治產婦生理不順產育艱難並宜服之

十二月兔腦髓

去皮膜
研如泥

通明乳香

一分
研細

母丁香末

一錢

麝香

一字
研細

右拌停以兔腦髓圓如雞頭穰大陰乾用油紙密封
貼每服一圓溫水下即產

烏金散治難產熱病胎死腹中或因頓仆或從高墜下
或房室驚搖或臨產驚動太早觸犯禁忌產時未到經
血先下惡露已盡致胎乾子死身冷不能自出但視產

婦面赤舌青是其候面青舌赤母死子活唇青吐沫子
母俱斃又有雙懷或一死一活其候猶難知須臨期觀
變

熟地黃

洗切焙
乾酒炒

真蒲黃

大當歸

交趾桂

揚芍藥

軍薑

去皮

粉草

各一兩

小黑豆

四兩

百草霜

五錢

右為末每用二錢米醋半合許沸湯六七分侵起溫
服疑二之際且進佛手散酒水合煎三二服探之若

未死子母俱安若胎已死立便逐下的知其胎死進
此藥後更進香桂散須臾如手推下常用催生更加
好滑石末半兩葵子五十粒槌損黃柞葉七八皮葱
白二寸順流水煎湯調下方內用滑石能利小便黃
柞葉行氣逐血葱白內通陽氣氣盛血行即產祖宗
以來用此藥救療不知其幾

香桂散下死胎

麝香

半錢
別研

官桂末

三錢

右和勻作一服溫酒調下須臾如手推下真珠研末
酒調一匕服亦効未効再多服

奪命圓專治小產下血至多而子死腹中其人增寒手
指唇口爪甲青白面色黃黑或胎上搶心則絕悶欲死
冷汗自出喘滿不食或食毒物誤服草藥傷動胎氣下
血不止胎尚未損服之可安胎已死服之即下

牡丹皮

去骨

白茯苓

去黑皮

桂枝

辛辣者刮
去麤皮

桃仁

湯浸去皮尖麤
皮炒去麤不用

赤芍藥

各等分

右為末煉蜜圓如彈子大每服一圓細嚼淡醋湯下
速進兩圓至胎腐爛腹中危甚者亦出

養正丹治難產子死腹中昏沉脉微每服一百二十粒
濃煎乳香湯服兩手更把石燕子各一枚即當胎下人
活或只用朴硝末每服二錢童便好酒調下效

方見大方
科瘕

冷類

備急圓治妊婦熱而大便秘脉實死胎昏不知人溫水

下七圓即活

方見大方
科救急類

蛇蛻散治妊婦欲產時不肯伸舒行動多是曲腰眠卧忍痛兒在腹中不能得轉故脚先出謂之逆生須臾不救母子俱亡

右用烏蛇蛻一條蟬脫皮七箇血餘一握並燒為炭分二服溫酒調併進二服仰卧霎時或用小絹針於兒脚心刺三七刺用鹽少許擦刺處即時順生母子俱活

妙聖散臨產腰疼方可服之

延胡索

沒藥

白礬

白芷

薑黃

當歸

桂心

各等分

右為末臨產陣痛時燒鐸刃鉄

牛頭是也

今通赤淬酒調

下三錢服一二盃立產

乳珠丹

右用乳香研細以猪心血為圓梧桐子大朱砂為衣
日乾每服一粒如催生冷酒化下良久未下再服一
粒若大段難產以蓮葉心蒂七箇水二盞煎至一盞

放溫化下一粒良久未下可再服之效驗如神無有不下者如胞漿先下惡水來多胎乾不得卧時須先與四物湯及通真圓補養其血氣

方見后

次更濃煎葱

湯放冷令坐婆洗產戶須是欸曲洗令氣上下通暢後更用酥調滑石末塗產戶裏次服前催生藥則萬全矣如胎死不下者用黑豆三合好醋半升煮令豆爛取汁一盞放溫化下藥一粒須臾下矣萬一未下亦可再服如胎下胞衣不下者服此亦便下若胎橫

逆不順即先服神應黑散再服此藥復以催之合藥
時要五月五日午時極妙或七月七日三月三日及
初上辰日亦可

神驗散

產婦坐草時取路傍舊草馬一隻用鼻絡小耳繩燒
灰溫酒調服如得左足者男右足者女覆者兒死側
者有驚自然理也似非切要之藥催生極驗
如意散臨產腰疼方可服之

人參

為末

乳香

各一錢

辰砂

二錢

右同研臨產時急用雞子清一箇調藥末再用生薑自然汁調開冷服如橫生倒生即時端順子母平善一字神散治子死胎不下胞破不生此方累效救人幾萬數

鬼臼不以多少黃色者去毛碾為末及細如粉不用羅以手指撚之每服二錢用無灰酒一盞同煎至八分通口服立生如神

療難產日久氣力乏不能生兼惡露出盡胞乾不產

右用赤小豆二升以水九升煮熟取汁入炙了明阿膠一兩同煎少時一服五合未效再服不過三四服即產此古方用之極驗

又方救產難經日不生

右用雲母粉半兩溫酒調服入口當產不順者即產神效

治橫生逆產神方手足先出或子死腹中

右以伏龍肝細研每服一錢酒調服兒頭戴出妙更
用搽產母臍中亦效或用兔絲子末車前子末酒調
服一方取其父名書其足上即順生

治死胎不下方其證指甲青舌青脹悶甚者口中極臭
先以平胃散一貼作兩服每服酒水各一盞同煎至一
盞却投朴硝半兩研細再煎三五沸傾出候微溫服盡
其胎即化血水而下

方見大方
科脾胃類

治產難胞衣不出方兒死腹中欲絕半夏白欬各一兩

為末酒服一錢若產難只一服橫生二服倒生三服
兒死四服或加代赭瞿麥各二兩為佳

單方治難產日月未至而痛如欲產者

右以知母二兩為末蜜圓雞頭大溫酒化一圓服

如聖方治難產胎衣不下及生產數日併死胎不下者
效

右用草麻子一兩去殼雄黃二錢研細成膏塗母右
脚心纔下即速洗去不洗則腸出用此膏子塗頂上

腸自入如聖之妙

奪命丹治產訖血流入胎衣中為血所漲不得下治之
稍緩脹滿腹中上衝心胃疼痛喘急服此以逐去衣中
之血血散脹消胎衣自下

附子

半兩炮
去皮臍

牡丹皮

一兩

乾漆

一分搗碎
炒煙盡

右為末酸醋一升大黃末一兩同熬成膏和藥圓如
梧子大溫酒不拘時下五七圓

牛膝湯治產兒已出胞衣不下臍腹堅脹急痛甚及子

死腹中不得出者

牛膝

酒浸

瞿麥

各一兩

滑石

二兩

赤小豆

二合

半

當歸

酒浸

木通

各一兩半

葵子

一兩二錢

半

右剉散每服三錢水二盞煎不拘時服

花蘆石散治胞衣不下及惡露不行服之神效

方見大方科失

血類

灸法治橫生逆產諸藥不效灸右脚小指尖頭三壯艾

壯如小麥大下火立產

方中戒忌不可便飲酒及多以酒調藥服之酒散五臟
四肢致成百病凡一切藥止用水煎為上一兩服後
方可

產後

黑神散治產後惡露不盡或胎衣不下攻衝心腹胸膈
痞滿或臍腹堅脹撮痛及神昏血暈眼花口噤產後瘀
血諸疾 又名烏金散

熟地黃

生亦可

蒲黃

當歸

乾薑

炮

桂心

芍藥

甘草

半兩

黑豆

半升
炒去

皮

右為末每服二錢酒半盞童便半盞同煎調下或去
蒲黃用綿附量虛實用之

黑龍丹治產後一切血疾產難胞衣不下危急惡疾垂
死者但灌藥得下無不全活神驗不可言因驚敗血上
衝心痛頭痛欲死大效

當歸

五靈脂

川芎

良薑

熟地黃

各一兩

右細剉以沙合盛赤石脂泚縫紙筋鹽泥固濟炭火

十斤煨令通赤去火候冷取開看成黑槽色取出細

研却入后藥

百草霜

五兩

硫黃

乳香

各一錢半

琥珀

花藥石

各一錢

右細研與前藥再研和勻米醋煮麪糊為圓如彈子

大每服一圓炭火燒令通赤投於生薑自然汁與童

子小便入酒漉出研細用其酒調下

坤順丹治婦人胎前產後諸般病症

益母草

帶子
三兩

南木香

紫蘇

莖帶
子

阿膠

蛤粉
炒珠

雲南琥珀

栢子仁煮去栢子仁
不用各二錢五分

人參

川牛膝

各二錢五
分酒洗

砂仁

炒

甘草

生用
各一

錢五
分

白茯苓

去皮

白朮

壁土
炒

北香附

童便
炒

浸鹽
水洗

烏藥

白芍

沉香

要沉
水者

忌見
火

全當歸

酒洗

川芎

薑汁
洗

生地

薑汁
洗

熟地

薑汁洗

條芩

酒洗

橘紅

鹽水洗
各五錢

右共為細末和勻煉蜜為圓蜜煉滴水成珠為度每
圓二錢五分用蠟為殼包之以全其藥味所用藥引
開後

軟喘杏仁桑白皮湯下

嘔吐淡薑湯下

泄瀉米

湯下

不思飲食身體羸瘦手足厥冷骨節酸軟白

滾水下

遍身虛腫赤小豆湯下

氣疼木香湯下

氣血虛麥冬歸身湯下

遍身脹痛溫米湯下

黃腫燈心木通湯下 乳腫蒲公英金銀花湯下

兩脇疼艾湯下 氣衰血敗經水不調當歸地黃湯

下 氣喘咳嗽口吐酸水遍身虛腫兩脇疼痛動止

無力黃酒下 眼暗血暈口渴煩躁狂言亂語不省

人事二便不通薄荷湯下或童便下 大便後下紅

黃連生地黃湯下赤白痢疾連翹湯下如久痢滑肛

訶子肉豆蔻湯下 大便秘結陳皮湯下 小便不

利木通燈心湯下 赤白帶阿膠艾湯下 經脉閉

桃仁紅花歸尾湯下 行經時身腰疼痛防風羌活

湯下 求孕歸身白朮白芍湯下 胎前疾病童便

陳酒下 胎動下血阿膠湯下 胎前臍腹刺痛胎

動不安下血不止糯米湯下 臨產五六日前又服

一二圓免產後諸疾或水或酒下 橫逆難產葵子

湯下 包衣不下童便下 橫生子死腹中炒鹽湯

下 產後惡血不盡臍腹刺痛童便下 產後不能

飲食山查麥芽湯下 產後閉結郁李仁湯下 產

後惡血上衝心胸疼悶結瘀血塊臍腹刺痛發寒熱

自汗不止薄荷紫蘇湯合童便陳酒下

自汗不止禁
用薄荷紫蘇

產後中風牙關緊閉半身不遂失音不語童便酒

下 產後血崩漏下糯米湯下或荊芥蒲黃湯下

產後血暈不省人事用當歸湯合童便下 產後調

理去瘀生新木香當歸香附湯下

以上所用藥引一味者用六分如三四味亦止用六

分用水一茶鍾煎至六七分外加童便酒二三分和

開丹藥服之用藥之後忌大葷氣惱生冷

參蘇飲治婦人產後血暈不省人事面黑氣喘

人參

三錢或五錢

蘇木

劈碎三錢

右二味煎濃入童便一小鍾攪入藥內攪開產婦口

灌之即甦

加減四物湯治因產勞傷血氣益血屬陰氣屬陽血氣

兩傷陰陽不和以致乍寒乍熱

當歸

人參

芍藥

川芎

乾薑

炮

各一兩

甘草

四錢

右剉散每服四錢水一盞生姜三片煎熱服不拘時

候

五苓散治產後煩渴潮熱杷把葉去白毛蜜塗炙麥門

冬二十粒去心煎湯服

方見大方
科傷暑類

黃耆金損湯治產後血虛自汗痰嗽寒熱口淡微泄服

燥劑不得者宜服

方見大方
科虛損類

竹葉防風湯治產後傷風發熱面赤喘而頭痛

淡竹葉

半把

防風

人參

桂枝

苦梗

甘草

各半兩

葛根

一兩半

右剉散每服三錢生姜三片紅棗一枚煎溫服使汗
出頸項強用附子炮去皮臍剉如豆大抄一錢同煎
嘔加半夏少許

陽旦湯治產後傷風十數日不解頭微痛惡寒時時有
熱心下堅乾嘔汗出

桂枝

芍藥

各一兩半

甘草

炙

黃芩

一兩

右剉散每服三錢水一盞生姜三片棗子一枚煎不拘時候溫服自汗多加炮熟附子一枚渴者去桂加枳實一兩半下痢去芍藥加乾姜一兩半心下悸去芍藥加茯苓二兩虛勞裏熱者正藥主之煎時入少膠飴一匙服脉浮緊無汗發熱者勿與服

生乾地黄湯治產後惡露方下忽然斷絕晝日明了暮則譫語寒熱往來如見鬼狀此由熱入血室不即治之諸變不測

北柴胡

去蘆 二兩

半夏

溫洗

條參

去蘆

黃芩

各一兩

粉草

五錢

生乾地黄

二兩

右剉散每服四錢水一盞半生姜三片紅棗一枚煎服未效再服四物湯加北柴胡有痰加半夏

神效白散子治產后痰血結滯發為潮熱心胸如火煩燥口乾諸藥不效

大川烏

去皮

南星

半夏

白附子

各一兩

羌活

去蘆

黃芩

各五錢

右生用剉散每服三錢生姜五片水一盞半煎服效
大調經散治產後血虛惡露未消氣為敗濁凝滯榮衛
不調陰陽相乘增寒發熱或自汗或腫滿皆氣血未平
所致

大豆

炒去皮
一兩半

茯神

一兩

真琥珀

一錢

右為末濃煎烏豆紫蘇湯下喘急煩滿小便不利者
亦效

枳朮湯治心下堅大如盤邊如旋盤水飲所作名曰氣

分

枳實

麩炒去穢
一兩半

白朮

三兩

右剉散每服四錢水一盞半煎溫服腹中軟即當散也

奪魄散治產後虛腫喘促利小便則愈

生薑

三兩
取汁

半夏

湯洗
去滑

白麩

右用姜汁搜麩裏半夏為七餅手炙焦熟為末熟水調一錢小便利為效

大調經散治產後因驚敗血上干於心乍見鬼神言語顛倒昏悶發狂煩燥卧起不安

沒藥

別研

琥珀

別研

桂心

赤芍藥

當歸

各一兩

細辛

去葉

麝香

半錢

右為末每服半匕加上龍腦少許生薑自然汁溫酒少許調勻服服後三藥亦效

大聖散加朱砂酸棗仁湯下效

方見后

蘇合香圓童便調服即醒

方見大方料中氣方

妙香散生乾地黃當歸湯調立效

方見大方料心恙方

又大聖散治產後血虛肉理不密故多汗因遇風邪搏之則變症口噤不開背強而直如發癇狀搖頭馬鳴身反折須臾一發氣息即絕宜速斡開口此藥灌之稍緩即汗出如雨手拭不及不可治宜加大川烏細辛防風

嫩黃耆

此方見后

大豆紫湯治產後百病或中風痲症背強口噤有時煩

熱

獨活 一兩半

大豆

半升

黃酒

二升

右以酒先浸獨活煎一二沸別炒大豆極焦煙出急投酒中密封候冷去豆每服一二合許得少汗則愈日數十服此湯能去風消血結在妊娠折傷胎死腹中服此差

獨活寄生湯治產後血虛生風手足抽掣筋脉攣急時發譫語手足不遂或因勞役太早風邪乘間而入服之立效後再服加味壽星圓

方見大方科腰痛及風科通治方

濟老上丹治產後所下過多虛極生風唇青肉冷汗出
目瞑命在須臾却不可用正風藥亟投此

乳香

硫黃

五靈脂

太陰玄精

石

陳皮

桑寄生

阿膠

卷柏

生
各等分

右將前四味同研勻石器內微火炒勿令焦了再細
研後入餘藥為末用生地黃汁圓梧子大溫酒或當
歸酒下二十圓食前服

麻黃根散治產後虛汗不止

當歸

黃耆

麻黃根

牡蠣

煅為末

人參

粉草

各等分

小麥

二合

右剉散每服四錢水一盞煎溫服不拘時候

立效方凡產後忽冒悶汗出不識人者暴虛故也

破雞子三枚吞之便醒若未醒可與童子小便一升

甚驗丈夫小便亦得切不得用病人者又若久不

識人或時復發者此為有風因產血氣暴虛風行脉

中故也若產後去血多者又增此疾與雞子不醒者
可急作竹瀝汁一服五合須臾不定再與五合頻與
三五服差

七珍散治產後虛弱敗血停積上閉心竅舌強不語

人參

石菖蒲

生乾地黄

川芎

各一兩

細辛

一錢

防風

朱砂

別研一各半兩

右為末每服一錢薄荷湯調下

解語散治產後閉目不語白礬一錢熟水調服

聖功散療產後中風口禁牙闔緊急手足瘓癱

舉卿

古拜 即荊芥也

右畧焙為末每服二大錢酒調下有神聖之功或用
荊芥加當歸煎頓服甚則煎一盆濃湯坐病者其中
先熏后淋沃名荊芥湯角弓反張以豆淋酒下尤快
交加散治產後中風

生地黄

五兩
研取汁

生薑

五兩
研取汁

右交互以汁浸滓一夕次日各炒黃漬盡為度乾為

末酒調服平日腹痛酒下三錢產後猶不可缺女人
榮衛不通經脉不調腹痛如撮氣多血少結聚為瘕
及血風口禁項強頭痛壯熱運悶並皆治之用少酒
尤速產后血衄血悶築心眼倒欲亡者如上湯引服
噤甚灌之立效

趁痛散治產後身體疼痛不能轉側手足不能動搖

當歸

黃耆

牛膝

肉桂

白朮

各半兩

甘草

一分

獨活

二分

右剉散每服五錢水五盞煎濾作二服或入薤白二箇生薑三片 此證產后百節開張血脉流走遇氣弱則經絡分肉之間血多留滯累月不散則骨節不利筋脉急引故腰背不能轉側手足不能動搖身弱頭痛若以傷寒治之則汗出而筋脉搖動手足厥冷變生他疾服此可默除之

又方再加桃仁木瓜煎治產後餘血不盡流入腰脚疼痛至甚

即加味五積散方見后

五香連翹湯除大黃入竹瀝少許煎治惡露方行忽然斷絕腰痛兩股如錐刀刺痛皮膚或有堅赤腫處恐為

癰瘍急服此散效

方見瘡腫
科癰瘍類

抵聖湯治產後腹脹滿悶嘔吐不定

赤芍藥

半夏

澤蘭葉

人參

陳皮

各一分

甘草

一錢

右剉散每服一劑用水一椀生薑焙乾半兩煎至半

碗分三服熱服

產後嘔逆不止方

橘紅 一兩

半夏麴

甘草 各半兩 藿香 三兩

右剉散每服二錢水一盞生薑三片煎不拘時溫服

產後霍亂三方渴而飲水者五苓散不飲水者理中圓

虛冷者加附子來復丹亦效

方見大方科傷暑及油瀉痢冷類

芎附散治產後敗血作梗頭痛諸不效者

大附子一枚醢醋一椀用火四面炙透蘸醋令盡去

皮臍川芎一兩同為末每服二錢茶清調下虛人最

效

川芎茶調散治產後虛熱頭痛

方見大方
科頭痛類

芎烏散治產後挾氣頭痛不可忍

右用大川芎天台烏藥皮為末秤銚燒淬酒調下

二母散治產後惡露上攻流入於肺經咳嗽宜服如傷風痰喘却以尋常傷風藥治之

白芍

貝母

白茯苓

人參

各一兩

桃仁

杏仁

並生去皮尖各一分

右剉散每服三錢水一盞半煎不以時溫服如覺腹痛併服之立有神效

旋覆花湯治產後血風感寒暑濕喘促痰涎壅盛咳嗽坐臥不寧

旋覆花

赤芍藥

前胡

半夏麴

荆芥穗

五味子

茯苓

甘草

炙

麻黃

杏仁

各一分

右剉散每服四錢姜五片棗一枚煎食前溫服

人參思散治產后血入于肺面黑發喘欲死名孤陽絕陰

人參

各一兩
別為末

思木

二兩

右用水二碗煮取一大碗去滓調參末隨時加減服

大發煮芎湯治產后榮血暴絕氣急喘促

方見前
即佛手散

四物湯治產後血乾痞悶心煩去地黃加人參烏梅

方見

后

人參散治產后惡露淋瀝不絕心悶短氣四肢之弱不

思飲食頭目昏重五心煩熱面黃體瘦

牡蠣

川芎

熟地黄

白茯苓

龍骨

各一兩

續斷

當歸

炒

艾葉

酒炒

人參

五味子

地榆

各半兩

甘草

一分

右剉散每服二錢生姜三片棗一个煎食前溫服

正氣子散治產后臍下痛名兒枕痛不可忍此神藥也

延胡索

桂心

各半兩

當歸

一兩

右為末每服二錢熱酒調下或用童便溫煖調尤快

又方五靈脂慢火炒為末溫酒服二錢

千金丸治產後惡露不快腰痛小便如刺時作寒熱頭痛不思飲食及瘀血月水不調黃瘦不思飲食久有惡治之

五靈脂

月法去召焙
乾秤炒為末

員蒲黃末

右以好米醋調五靈脂末慢火熬成膏子次以蒲黃末搜和圓如櫻桃大每服一九水與童便各半盞煎令化溫服少頃再一服惡露即下久有瘀血成塊月

信不利者並用酒磨下及治心腹痛欲死百藥不效
羊肉湯療虛及產婦腹中痛虛眩不去支持兩脇當臍
急痛氣上衝前后相引痛治之如神

精羊肉

四兩

當歸

川芎

各半兩

生薑

一兩

右剉散以水十盞煎三盞掠去沫去滓分四服空心
熱服一日來日再作二日滓合為一日煎當一劑服
經效方療產后血氣脇肋脹滿

當歸

八錢

芍藥

苦梗

檳榔

枳殼

各四錢

桂心

青木香

柴胡

各三錢

右剉散水二升煎取八合空心分溫二服

人參當歸散治產后陰虛生內熱煩悶不安

人參

當歸

去尾

麥門冬

去心

乾地黄

桂心

各一兩

芍藥

二兩

右剉散每服四錢水二盞先將粳米一合淡竹葉十片煎至一盞去米葉入藥併棗三枚煎食前服地黄用生乾者虛甚則用熟者

麻黃散治產後虛煩必效

蒲黃不以多少紙上炒每一錢東流水調不拘時服
地黃湯治產後虛渴不止少氣脚弱眼昏頭眩飲食无
味

熟乾地黃

一兩

人參

三兩

麥門冬

去心
三兩

栝樓根

四兩

甘草

半兩

右剉散每服四錢水二盞糯米一撮生姜三片棗三
枚煎食前服

當歸芍藥散血渴

方見前

草果飲子治產後瘧疾寒熱相半者或多熱者

半夏

湯洗

赤茯苓

草果

去皮

甘草

川芎

陳皮

白芷

各二錢

青皮

去白

良姜

紫思

各一錢

乾葛

四錢

右剉散每服三錢生姜三片棗二枚水一盞半煎當

發日早連進三服无不安者

生熟飲子治產後瘧疾多寒者

肉豆蔻

草果仁

厚朴

生去皮

半夏

陳皮

甘草

大棗

去核

生姜

各等分

右剉散和勻一半生一半以溫紙裹煨令香熟去紙與生者和勻每一服主水二盞煎食前一服食后一服

床子湯治產后虛羸喘乏乍寒乍熱如瘧四肢疼痛面色痿黃名蓐勞

猪腎

一雙去脂膜四破

香豉

或無用知母

葱白

粳米

當歸

芍藥

各二兩

右剉散勻作兩劑用水三升煮取一升分三服或用人參無芍藥

人參驚甲散治產後羸勞皆由在產內未滿百日體中虛損血氣尚弱失於將理或勞動作傷致成羸勞其狀虛弱乍起乍卧飲食不消時有咳嗽頭目昏痛發散無常夜有盜汗寒熱如瘧背膊拘急沉重在牀服此大效

人參

桂心

桑寄生

當歸

去尾

白茯苓

白芍藥

桃仁

去皮尖

熟地黄

蒸洗

麥門冬

去心

甘草

各半兩

續斷

一分

牛膝

三分

鱉甲

炙

黃耆

各一兩

右為末每服先以豬腎一對去脂膜用水二大盞生
姜半分棗三枚煎至一盞去豬腎姜棗入藥末二錢
葱三寸烏梅一個荆芥五穗煎空心晚食前溫服神
妙

人參散治產後虛羸脾胃乏弱四肢無力全不思飲食

心腹脹滿

黃耆

人參

草果仁

厚朴

附子

各一兩

白朮

當歸

白茯苓

木香

川芎

桂心

甘草

陳皮

去白

良薑

阿膠

各半兩

右剉散每服四錢生薑三片棗一枚煎不以時溫服

羚羊散治產後風虛勞後羸瘦不思飲食四肢疼痛

黃耆

白朮

木香

羚羊角屑

人參

當歸

去尾

桂心

白芍藥

川芎

白茯苓

各半

甘草

一分

右剉散每服三錢生薑三片紅棗二枚煎不以時溫服

小調經散產後性理鬱發喘急桑白皮杏仁煎湯調下
見前

丁香散治產後心煩咳逆不止

丁香

白豆蔻仁

各半兩

伏龍肝

一兩

右為末煎桃仁吳茱萸湯調下一錢如人行五里再服

石蓮散治咳逆嘔吐心怔目暈可思飲食

石蓮肉

炒兩半

白茯苓

一兩

丁香

半兩

右為末每服三錢米飲調不以時服

固經圓治產後血崩不止或因飧極酸鹹物過度

艾葉

赤石脂

煨

補骨脂

木賊

各半兩

附子

一个炮

右為末陳米飲圓梧子大食前溫酒下二十圓米飲
亦可蓋此證非輕病况產后有此是謂重傷恐不止
鹹酸不節而致多因驚憂恚怒臟氣不平或產后服
斷血藥太早致惡血不消鬱滿作堅亦成崩中此藥
自難責效不若大料煮芎藭湯加芎藥候定續次隨
證諸藥治不為得小腹滿痛肝經已壞難治
局方大
順散除

杏仁酸醋煮附
子依等分入效

加味五積散治產後因食動傷腹痛至甚水穀不化洞

泄腸鳴除麻黃加高良薑熟綿附生薑烏梅紅棗煎

方見

後

四君子湯治產後腹微疼泄瀉不止烏梅陳米煎湯調

服

方見小方科通治類

的奇散治產後泄瀉惡露不行此餘血滲入大腸為瀉
分過則愈雖洞泄不禁下青黑色物亦驗

大荊芥四五穗於釜內然火燒成灰不得犯油火入
麝香少許研沸湯一二呷調下此藥雖微能愈大病

勿忽

黃連阿膠圓治產後熱證下痢全赤煩渴發熱小腑不

利每服三十圓陳米烏梅湯下

方見大方
料咳嗽類

理中湯治產後虛證下痢純白腹痛裏急外重手足冷

加木香煨肉豆蔻每服三錢陳米鹽烏梅煎空心服

方見

大方科
泄瀉類

真人養臟湯治產後虛弱冷熱不調下痢赤白或有膿血

裏急後重臍腹痛日夜無度宜服

方見大方
料泄瀉類

阿膠枳殼圓治產臥水血俱下腸胃虛竭津液不足大便秘澀

阿膠

蚌粉炒

枳殼

各等分

右為末煉蜜圓梧桐子大別研滑石為衣溫水下二

十圓半日未通再服又一方蜜兌法

見大方科
秘澀類

又方用葱涎調好茶為圓復以茶吞下必通或用葱白
頭十數莖濃煎點茶連葱嚼服神效不動真氣

活血養臟湯去熟地黃用生地黃加青皮去穰煎服效

生液方治產後有三種疾鬱冒則多汗汗則大便秘難

於用藥以此方效

方見大方
科秘瀉類

木通散治產後小便不通

木通

大麻仁

葵子

滑石

檳榔

枳實

甘草

各半兩

右剉散每服三錢水一盞半煎溫服不拘時候

灸法治產後小便不通腹脹如鼓悶亂不醒緣未產之

前內積冷氣遂致產時尿胞運功不順用鹽於產婦

臍中填可與臍平却用葱白剝去麤皮拾餘根作一束切作一指厚安鹽上用大艾炷滿葱餅子大小以火灸之覺熱氣直入腹內即時便通神驗不可具述茅根湯治產后諸淋無問冷熱膏石氣結悉主之

白茅根

四兩

瞿麥穗

白茯苓

各二兩

葵子

人參

各一兩

蒲黃

桃膠

滑石

甘草

各半兩

紫貝

五十個燒

石首魚頭中石

十個燒

右剉散每服四大錢生姜三片燈心二十莖煎溫服

或為末木通煎湯調下二錢如氣壅木通橘皮煎湯調下

桑螵蛸散治產後小便數及遺尿

桑螵蛸

十五个炒

鹿茸

酥炙

黃耆

各一兩半

牡蠣

煅

人參

去蘆

厚朴

去麁皮姜汁炒

赤石脂

各一兩

右為末空心粥飲調下二錢一方無厚朴有甘草

治陰瘡與男子妬精瘡略同

右用黃丹枯白礬扁蓄葉本各一兩硫黃半兩白蛇

皮一條燒灰荊芥蛇床子各半兩研為末別以荊芥蛇床子煎湯溫洗軟帛挹乾清油調塗濕則乾摻

又方青黛黃丹冰粉五倍子肉鋪上拭肉巾燒灰為末用小絹巾入陰中挹乾如乾用荊芥薄荷柏葉煎水洗再挹乾清油調藥塗上

又方先用黃芩海桐皮白礬韭菜根煎湯洗後用敗鼓皮燒存性細研入輕粉在內刮下鷄腸上膏調塗瘡上如蟲喫入陰內用雞子一箇煮熟去殼塗藥末於

上綿子兜入陰中向火灸患處得痒即蟲行若身微作寒服霍香正氣散二三服

又方真平胃散加貫衆末每用二錢熟煮猪肝納藥入陰戶內數日可安

治疳瘡月后便行房致成湛濁伏流陰道疳瘡遂生搢疳無時先用胡椒葱白作湯一日兩三度淋洗却後服藥

赤石脂

龍骨

黑牽牛

炒

兔絲子

酒浸
蒸

黃耆

鹽水炙

沙苑蒺藜

炒

右為末蜜圓梧子大每二十圓燕窠蒸酒澄上清者

吞下

治陰中生瘡如蟲咬痛可生搗桃葉綿裹納陰中日三

四易

黃芩散治陰門生瘡

右用黃芩當歸川芎白礬黃連剉散煮水熏洗即安

治陰門腫方

右以甘菊苗研爛百沸湯淋洗熏后洗

月經不行說

二七天癸至七七天癸竭行早性機巧行遲魯鈍通行則陰陽和合始能生子行年十四歲當時二十歲不行命如風燭朝不保暮有病發則死間有不死百中無一致令一生多病未嘗一日安裕然有四季行亦可又有一年數次者亦不甚佳或一生不循正道而行者晚年有僻疾則難治

洗心散

方見前
積熱類

治陰中生一物所大牽引腰腹膨痛至

甚了減飲食皆因多服熱藥及煎燂或犯非理房事兼
意淫不遂名陰挺每服二錢生地黄湯調仍用金毛狗
五倍子白礬水楊根魚腥草山黃連各一兩重為散分
作四服以有紫瓦罐煎熟預以銀錫作一長小筒下透
罐背上貫挺端慢慢熏之以挺收入為度其或血氣不
足熏過後羸瘦不復常者宜服

人參

赤芍藥

川芎

菖蒲

炒

各五兩

當歸 二兩

熟地黃 五兩

烏梅肉 三兩

右為末蜜搜杵數千下圓如梧子大每服五十圓至一百圓溫酒或米湯下食前服

單方治產婦腹脹痛不可忍煮鼠粘根為飲一服愈
捷徑方治用毒藥攻胎藥毒衝心外證牙關緊急口不能言兩手強直握拳頭低自汗身微熱外證與中風相似但其脉浮而較十死一生醫多不識若作中風治之必死无疑用白扁豆二兩生為末新汲水調下即效

內灸散治婦人產前產後一切血疾血崩虛僂腹脇疼
痛氣逆嘔吐冷血冷氣凝積塊硬刺痛泄下青白或下
五色腹中虛鳴氣滿堅脹瀝血腰疼口吐青水頻產血
衰顏色青黃勞傷劣弱月經不調下血墮胎血迷血運
血瘕時發疼痛頭目眩暈惡血上心悶絕昏迷惡露不
乾體虛多汗手足逆冷並宜服之

藿香葉

丁香皮

熟乾地黄

洗焙

肉桂

去蘆皮各

一兩

半

甘草

炙赤

山藥

當歸

去蘆洗

白朮

白芷

各八兩

藁本

去蘆
剉

乾薑

炮

川芎

黃耆

去黃各
二兩

木香

一兩

陳皮

去白
四兩

白芍藥

十兩

茴香

一兩半

右剉散每服三錢水一大盞入生姜五艾一團同煎
至八分空心食前熱服為末溫酒調下亦得如產後
下血過多加蒲黃煎服惡露不快加當歸紅花煎服
水瀉加肉豆蔻末煎服嘔吐加藿香生姜煎上熱下
冷加荊芥煎但是腹中虛冷血氣不和並宜服產後

每日服則百病不生丈夫虛冷氣刺心腹疼痛尤
宜服之

下乳汁

奇效方麥門冬不拘多少去心焙為末酒磨真犀角約
一錢同麥門冬末二錢溫酒調不過二服便下不以時
候

漏蘆散治乳婦氣脉壅塞乳汁不行及經絡凝滯乳內
脹痛留蓄邪毒或作癰腫服此自然內消乳汁通行

漏蘆

二兩半

蛇蛻

炙十條

瓜蒌

十個急火燒存性

右為末每服二錢溫酒調不以時服仍喫熱羹湯助

之

成鍊鍾乳粉治乳婦氣少血衰脉澁不行乳汁絕少

右一味研細每服抄二錢濃煎漏蘆湯調下

母猪蹄湯治如前

母猪蹄

一隻
治如食法

通草

四兩

右以水一斗浸煮得四五升取汁飲不下更作服了

用梳頭木梳於乳上梳下效

青來膏治乳硬作痛

嫩桑葉左採研細米飲調攤紙花貼病處此證四十
已下可治五十已上不可治治之則死不治則自得



世醫得效方卷十四